



Քաղաքացիական գործ ԵԴ/31123/02/22

**« ԵՐԵՎԱՆ ՔԱՂԱՔԻ ԸՆԴՀԱՆՈՒՐ ԻՐԱՎԱՍՈՒԹՅԱՆ ԴԱՏԱՐԱՆԻ
Ո Ր Ո Շ ՈՒ Մ
ՀԱՅՅԱԴԻՄՈՒՄԸ ՎԱՐՈՒՅԹ ԸՆԴՈՒՆԵԼՈՒ ԵՎ
ՆԱԽՆԱԿԱՆ ԴԱՏԱԿԱՆ ՆԻՍՏ ՀՐԱՎԻՐԵԼՈՒ ՄԱՍԻՆ**

«27» հունիսի 2022թվական

ք.Երևան

Երևան քաղաքի ընդհանուր իրավասության դատարանի դատավոր Ռ. Ներսիսյանս, ուսումնասիրելով «ՀՈՖՄԱՆ» ՍՊԸ-ի կողմից ներկայացված քաղաքացիական գործի նյութերը,

Պ Ա Ր Ձ Ե Ց Ի

«ՀՈՖՄԱՆ» ՍՊԸ-ն հայցադիմում է ներկայացրել դատարան՝ ընդդեմ ՀՀ տարածքային կառավարման և ենթակառուցվածքների նախարարության՝ ՀՀ տարածքային կառավարման և ենթակառուցվածքների նախարարության կարիքների համար ՀՀ միջպետական և հանրապետական նշանակության ավտոճանապարհներին իրականացվող հորիզոնական և ուղեանցների հենարանների ուղղաձիգ գծանշման աշխատանքների ձեռքբերման նպատակով կազմակերպված «ՏԿԵՆ-ՀԲՄԱՇՁԲ-2022/01Շ» ծածկագրով գնման ընթացակարգի գնահատող հանձնաժողովի 27.04.2022թ. տեղի ունեցած նիստի թիվ 2 արձանագրությամբ կայացրած «ՀՈՖՄԱՆ» ՍՊԸ-ի հայտը մերժելու մասին որոշումը անվավեր ճանաչելու պահանջի մասին:

Երևան քաղաքի ընդհանուր իրավասության դատարանը 17/06/2022թ. որոշմամբ հայցադիմումը վերադարձվել է:

Հայցադիմումը կրկին է մուտքագրվել դատարան:

Պատասխանող՝ ՀՀ տարածքային կառավարման և ենթակառուցվածքների նախարարության կողմից դատարան է մուտքագրվել գրություն, որով խնդրում է հայցադիմումի ընդունումը մերժել:

ՀՀ քաղաքացիական դատավարության օրենսգրքի 234.6-րդ հոդվածի 1-ին մասի համաձայն՝ դատարանը հայցադիմումը վարույթ ընդունելու հարցը լուծում է այն ներկայացվելուց հետո՝ եռօրյա ժամկետում:

Նույն օրենսգրքի 234.9-րդ հոդվածի 1-ին մասի համաձայն՝ դատարանը սույն գլխով նախատեսված վեճերով գործերը քննում և դրանց վերաբերյալ վճիռները և որոշումները կայացնում է գրավոր ընթացակարգով, բացառությամբ այն դեպքերի, երբ դատարանը գործին մասնակցող անձի միջնորդությամբ կամ իր նախաձեռնությամբ եկել է եզրահանգման, որ անհրաժեշտ է գործը քննել դատական նիստում:

Նույն հոդվածի 4-րդ մասի համաձայն՝ գործը դատական նիստում քննելու հարցը կարող է լուծվել նաև հայցադիմումը վարույթ ընդունելու մասին որոշման հետ:

Ներկայացված հայցադիմումում պահպանվել են քաղաքացիական դատավարության օրենսգրքի 121-րդ, 122-րդ հոդվածների պահանջները:

Ուսումնասիրելով հայցադիմումին կից ներկայացված փաստաթղթերը՝ դատարանը գտնում է, որ առկա է սույն գործի լուծման էական նշանակություն չունեցող հարցադիմումների



« քաղաքացիական դատավարության օրենսգրքի 234.8-րդ հոդվածի 1-ին մասի համաձայն՝ գործին մասնակցող անձինք և նրանց ներկայացուցիչները դատական նիստի ժամանակի և վայրի, ինչպես նաև սույն օրենսգրքով նախատեսված դեպքերում առանձին դատավարական գործողություններ կատարելու մասին ծանուցվում են էլեկտրոնային հաղորդակցության միջոցով ծանուցագրերը և այլ փաստաթղթեր սույն օրենսգրքի 97-րդ հոդվածով սահմանված կարգով հայցադիմումում նշված էլեկտրոնային փոստին ուղարկելու եղանակով:

Նկատի ունենալով « քաղաքացիական դատավարության օրենսգրքի 234.8-րդ հոդվածի 1-ին մասով նախատեսված դատական ծանուցման կարգի վերաբերյալ նախատեսված առանձնահատկությունները և հաշվի առնելով գնումների հետ կապված վեճերը քննելու սեղմ դատավարական ժամկետները՝ Դատարանը գտնում է, որ սույն գործով դատական ծանուցումներն անհրաժեշտ է իրականացնել էլեկտրոնային հաղորդակցության միջոցով՝ դատական ծանուցագրերն ու դատավարական փաստաթղթերն ուղարկելով հայցադիմումում նշված էլեկտրոնային փոստերին:

Ղեկավարվելով « քաղաքացիական դատավարության օրենսգրքի 124-րդ, 125-րդ, 234.9-րդ, 234.8-րդ, 188-րդ, 199-րդ, 200-րդ հոդվածներով՝

Ո Ր Ո Շ Ե Ց

«ՀՈՖՄԱՆ» ՍՊԸ-ի հայցն ընդդեմ « տարածքային կառավարման և ենթակառուցվածքների նախարարության՝ « տարածքային կառավարման և ենթակառուցվածքների նախարարության կարիքների համար « միջպետական և հանրապետական նշանակության ավտոճանապարհներին իրականացվող հորիզոնական և ուղեանցերի հենարանների ուղղաձիգ գծանշման աշխատանքների ձեռքբերման նպատակով կազմակերպված «ՏԿԵՆ-ՀԲՄԱՇՁԲ-2022/01Շ» ծածկագրով գնման ընթացակարգի գնահատող հանձնաժողովի 27.04.2022թ. տեղի ունեցած նիստի թիվ 2 արձանագրությամբ կայացրած «ՀՈՖՄԱՆ» ՍՊԸ-ի հայտը մերժելու մասին որոշումը անվավեր ճանաչելու պահանջի մասին, ընդունել վարույթ և հրավիրել նախնական դատական նիստ՝ **2022 թվականի հուլիսի 07-ին, ժամը 16:30-ին, Երևան քաղաքի ընդհանուր իրավասության դատարանում (Արաբկիր նստավայր, ք.Երևան, Տ.Երեյսիյան 10):**

Որոշումը ուժի մեջ է մտնում ընդունման պահից:

ԴԱՏԱՎՈՐ



ՂԵՆԵՐՍԻՍՅԱՆ